



SARAJEVO

Broj: 03/1-50-14-7-11/25

Sarajevo, 10. 10. 2024.

PRIMLJENO:	11-02-2025	
Organizaciona jedinica	Klasifikaciona oznaka	Redni broj

ČLANOVIMA ZAJEDNIČKE KOMISIJE ZA ODBRANU I SIGURNOST BiH:

JASMINU IMAMOVIĆU, MARINI PENDEŠ, RADOVANU KOVAČEVIĆU, DARKU BABALJU, MILANU DUNOVIĆU, SLAVKU MATIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o sastanku rukovodstva Zajedničke komisije za odbranu i sigurnost BiH s Vladimirom Vučinićem, šefom Odjela za političke aktivnosti i podršku NATO-a, Sarajevo, 10. 10. 2024.

Predsjedavajući Zajedničke komisije za odbranu i sigurnost BiH Jasmin Imamović, zamjenica predsjedavajućeg Zajedničke komisije Marina Pendeš i zamjenik predsjedavajućeg Zajedničke komisije Radovan Kovačević razgovarali su sa šefom Odjela za političke aktivnosti i podršku NATO-a Vladimirom Vučinićem. Sastanku su prisustvovali predsjedavajući Delegacije PSBiH u PSNATO-u Kemal Ademović i član Delegacije PSBiH u PSNATO-u Obren Petrović. Članovi rukovodstva Zajedničke komisije za odbranu i sigurnost BiH i članovi Delegacije PSBiH u PSNATO-u upoznali su Vladimira Vučinića s nadležnostima i aktivnostima koje su Zajednička komisija i Delegacija preduzimale u ovoj godini.


Vučinić je upoznao rukovodstvo Zajedničke komisije i članove Delegacije PSBiH u PSNATO-u sa zadacima i ciljevima novoformiranog Odjela za političke aktivnosti i podršku NATO-a. Cilj Odjela je jačanje političkog dijaloga NATO-a s predstavnicima institucija Bosne i Hercegovine, kao i jačanje komunikacijske strategije o aktivnostima NATO-a u BiH i u širem regionu Zapadnog Balkana.

Naglašavajući da je region Zapadnog Balkana od strateškog interesa za NATO, kao i da su ključni prioriteti NATO-a očuvanje mira i stabilnosti u Bosni i Hercegovini i cijelom regionu, Vučinić je apostrofirao nastavak partnerske saradnje BiH i NATO-a kroz usvajanje Individualnog prilagođenog programa saradnje, što se očekuje do kraja ove godine. Također je naglasio da NATO neće dozvoliti sigurnosni vakuum u BiH, u slučaju eventualnog okončanja EUFOR-ove misije Althea.

Pozitivno je ocijenjena saradnja sa Štabom NATO-a u Sarajevu, kao i s EUFOR-ovom misijom Althea u Bosni i Hercegovini, te izražena nada da će s Odjelom za političke aktivnosti i podršku NATO-a biti uspostavljena bliska saradnja na dobrobit svih institucija u sektorima odbrane i sigurnosti BiH, kao i svih građana Bosne i Hercegovine.

Predsjedavajući Zajedničke komisije

Jasmin Imamović



Dostavljeno:

- naslovu
- a/a